



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

Constitvtiones Ex Concilio Petri Archiepiscopi Senonensis.

**urn:nbn:de:hbz:466:1-15974**

\*\*\*\*\*

**CONSTITVTIONES**  
EX CONCILIO  
PETRI ARCHIEPISCOPI SENONENSIS.

## I.

Petrus II.  
archiepisco-  
pus 71. ob-  
iit anno  
1221.

**S**TATVIMVS vt aduocati iurent de calumnia \* de cetero, in causis tam inchoatis quam inchoandis, aut non admittantur ad eas tractandas.

## II.

Si aliquis per annum & diem excommunicationem publicam sustinuerit, compellatur potestas sæcularis, vt excommunicatum ad vnitatem ecclesiæ per suam potestatem venire compellat, mittendo manum in ipsum & res eius.

## III.

Statuimus ne prior, nisi conuentualis, vltra summam quadraginta solidorum ab aliquo, sine licentia abbatis sui, vel episcopi sui, si remotus fuerit abbas, mutuo pecuniam accipiat: quod si forte fecerit, abiiciatur a prioratu, nec denuo valeat prioratum adipisci, quousque per Concilium prouinciale fuerit restitutus.

## IV.

Eidem pœnæ subiaceat prior, qui quamcumque summam pecuniæ receperit a Iudæo.

## V.

Statuimus vt abbates, priores, & alii obedientiarum, de singulis prouentibus & retribus & expensis computent singulis annis diligenter in capitulo. Et vt status tam abbatiarum quam prioratum a claustralibus cognoscatur, computus in scriptis redigatur, ita quod conuentus penes se retineat vnum scriptum, & abbas aliud.

## VI.

Nullus abbas mutuo recipiat pecuniam, sine capituli sui, vel maioris & sanioris partis conuentus licentia, vltra summam ab episcopo suo taxandam secundum monasterii facultates: qui contra fecerit, per episcopum suum puniatur.

## VII.

Præcipimus abbatibus & aliis religiosis, vt ipsis vestibus

& calceamentis ordini suo congruentibus vtantur. Et si abbates in his obseruandis seu corrigendis fuerint negligentes, per episcopos suos puniantur.

VITA ET EPISTOLÆ

HONORII PAPÆ III.

ANNO  
CHRISTI  
1216.

**H**ONORIVS III. cui Cencii nomen fuerat, Romæ ex clarissima gente Sabella prognatus erat, ex camerario sanctæ Romanæ ecclesiæ anno Domini 1216. xv. Kalendas Augusti altero die post obitum Innocentii sub imperio Friderici II. in pontificem Romanum electus est. Reuelatione sancti Petri, vt vulgo credebatur, instructus, publice futurum prædicebat ciuitatem sanctam Ierusalem breui recuperatum iri. Quorum ore, ait Vrspergensis, plurimi Romanorum & Germanorum excitati Crucem contra Saracenos sumpserunt. Robertum Petri filium orientis, Fridericum I. I. occidentis imperatores coronauit, qui immemor accepti beneficii, contra ius & æquitatem ditionem pontificiam vexauit, profectusque Roma in Apuliam, vt ait Trithemius in chronico, cum magno suorum exercitu multa ibi bella commisit, omnemque terram cum Sicilia suo imperio subiugauit, plurimisque ibidem interfectis reliquos suo dominio coegit esse subiectos. Ob quam causam ab Honorio excommunicatus, Ioannis Hierosolymitani regis (quem ad Urbem delatum honorificentissime exceperat) intercessione, ea lege absolutus & ecclesiæ reconciliatus est, vt res ablatas restitueret, & ad recuperationem terræ sanctæ se cum exercitu suo conferret. Prædicatorum & minorum monachorum ordines biennio ante mortem sancti Francisci confirmauit, aduersus Turcas & Saracenos exercitum conscripsit, eumque comitatu cardinalis Columnæ, aliorumque principum & regum militibus stipatum in Asiam transmisit. Post restauratas sanctorum Laurentii & Bibianæ ecclesias obiit mense Martio anno Domini 1227. cum, ait Vrspergensis, decem annis & octo mensibus ecclesiæ Romanæ præsedisset. Sepultus est in basilica sanctæ Mariæ maioris.

Honorius  
qualis &  
quando pa-  
pafactus.

Duorū im-  
peratorum  
coronator.

Fridericus  
Romanæ  
ecclesiæ iu-  
ra inuadit.

Excommu-  
nicatur.

Abfoluitur.

Prædicato-  
rum & Frā-  
ciscanorum  
religiones  
confirmat.

Obitus Ho-  
norii.

Concil. Tom. 28.

Gg